

四庫全書

史部

欽定四庫全書

史部

寶刻叢編卷五

六

詳校官編修臣潘庭筠

編修臣程嘉謨覆勘

總校官編修臣王燕緒

校對官編修臣吳錫麒

謄錄監生臣陳韶

欽定四庫全書

寶刻叢編卷五

京西北路下

許州

宋陳思撰

春秋許國戰國屬韓秦置潁川郡漢高帝為
 韓國尋復後漢因之魏晉並為潁川郡後
 魏亦同東魏改曰鄭州後周曰許州隋開皇
 初郡廢大業初州廢復置潁川郡唐武德四
 年曰許州天寶元年曰潁川郡後陞忠武軍
 節度梁改為匡國軍唐滅梁復曰忠武皇朝

元豐三年陞潁昌府崇寧四年建為南輔今
縣七 長社 郟城 陽翟 長葛 臨潁

舞陽

鄭縣

漢郭禧前碑

文字殘缺所存才百許字其可見者公諱禧字君房
而已禧郭躬從孫也郭氏世為陽翟人自躬以下皆
葬陽翟其墓尚存今此碑缺處猶有陳留扶溝字疑
禧嘗寓居是邑其卒也返葬故鄉而漢書注遂以為

扶溝人恐誤

金石錄

太尉郭禧斷碑篆額所存具上一段字畫方勁前後
教行僅有數十字可認其中彊半剝落篆額亦然首
行却有郭君名字禧以靈帝建寧三年為太尉光和

二年薨

續

漢郭禧碑陰

其首有四大字云故史人名其下列故吏密張立度
成醫師張協子通雒陽李蒼子考故民河南陰德紀
信以下凡百餘人字畫完好者甚多筆法淳古可愛

金石錄

漢郭禧後碑

碑殘缺尤甚其畧可辨者惟光和二年夏五月甲寅
大中大夫故太尉郭公晁而其額題漢故太尉郭公

神道字畫尚完

金石錄

漢丹陽太守郭旻碑

碑云君諱旻字巨公有周之裔也又云伴守丹陽為
政四年以公事去官年過耳順寢疾痼頽延熹元年

卒三載禮闈諸子已刻墓道之銘矣而碑石狹小加有瑕癥後十餘年當孝靈光和之二年其從子五原太守鴻因葬太尉公遂與其孫范不改舊文重立此碑今石中有裂文子在越時纔得其上一段後一紀尤延之持節江東以其下一半相贈合而為一遂成

全碑

隸續

漢文範先生陳仲弓碑

其額題云漢文範先生陳仲弓之碑碑文字已漫滅

蔡邕字畫見於今者絕少故雖漫滅之餘尤為可惜
按邕集仲弓三碑皆邕撰其一碑云中平三年秋八
月丙子卒而三碑皆云春秋八十有三後漢書仲弓
傳以為中平四年八十四卒於家者傳疑誤

金石錄

漢文範先生陳仲弓之銘篆額兩行額下有穿穿下
數行僅存最上一字獨醇字瞭然可識前一行者具
右從月又前一行彷彿是君字蔡中郎為仲弓作三
碑其第二碑有會光醇德之句前有徵士陳君但相

去差遠中間無從月者疑此非中郎所作趙氏有仲
弓殘碑以校集本凡改定數字豈即此碑乎續隸

漢陳仲弓碑陰

碑陰故吏姓名多已刊缺蔡邕小字八分惟此與石
經遺字滿石經字畫謹嚴而此碑陰尤放逸可愛

金石

錄

漢陳度碑

文字殘缺不完其畧可識者云君諱度字妙高陳國

相人而最後題中平四年九月二十日己丑立

金石錄

君名度字妙高陳國柘人靈帝中平二年卒又二年立碑此刻大半秦碑所存僅二百字少成句讀其中並無官稱郡國志陳國有柘縣苦縣沛國有相縣苦在春秋時曰相趙氏認柘作相誤也

隸續

漢司空掾陳寔碑

碑已殘缺不可辨惟其首八大字尚完字畫奇偉在潁川陳太丘墓側按後漢書太丘傳載二子紀諶紀

為大鴻臚諶不著其為何官惟劉孝標注世說引海
內先賢傳曰諶字季方寔少子也司空掾公車徵不

就蚤卒然則斯碑豈非陳諶碑乎

金石錄

漢故司空掾陳君碑篆額蔡中郎所作第三碑也此
碑僅有前七十字下文畫皆不存中郎作太丘第一
碑云春秋八十三中平三年卒漢史誤作四年此碑
作五年者乃豫牧立碑之年也趙氏跋云文已殘缺
不可辨惟八篆額字畫奇偉引世說注太丘次子諶

嘗以司空掾召謂此是陳湛之碑殊不知碑中自有
大丘姓名具文又在蔡邕集蓋不能認碑故有斯誤

錄續

漢河南尹蘇府君碑額

漢故河南尹蘇府君碑在許州道傍碑無文詞惟此

十字其額爾

金石錄

漢尚書左僕射荀公碑

在長社縣東北七里冢前文字磨滅

訪碑錄

魏公卿上尊號奏

唐賢多傳為梁鵠書今人或謂非鵠也乃鍾繇書爾

未知孰是

集古錄

不著書撰人名氏與受禪壇記同漢既禪位文帝未

受魏相國安樂侯華歆等上表勸進

闕

公卿將軍

上尊號奏篆額相傳以為鍾繇書其中有大理東武亭侯臣繇者乃其人也當時內外前後勸進之辭不一此蓋其最後一章碑自造於華歆字之誤石理皴

金定曰石之二言
卷五
剥字跡掩昧今世所傳者多是前一段爾

隸釋

魏尊號奏碑陰

碑云陛下即位光昭文德以明武功勤恤民隱視者如傷凡十行刻於碑陰蓋尊號奏文多不能盡故刊於碑陰以足知非別碑也石埋皴剥世多不傳隸釋載自造華裔字之後石埋皴剥字跡掩昧謂此碑也

復齋
碑錄

魏受禪表

世傳為梁鵠書而顏真卿又以為鍾繇書莫知孰是

集古
錄

隸書不著書撰人名氏世傳以為鍾繇書或以為梁鵠書魏文帝黃初元年為壇於繁昌以受漢禪碑不

著所立年月在魏文帝廟中

集古
錄目

繁昌縣城內有三臺時人謂之繁昌臺壇前有二碑
魏文帝受禪於此自壇而降曰舜禹之事吾知之矣
故具石銘曰遂於繁昌築靈壇也於後其碑六字生

金論者以為司馬金行故曹氏六世遷魏而事晉水經

魏受禪表篆額在許昌亦曰鍾繇書所謂表者蓋表

揭其事非奏表之表也水經云繁昌城內有三臺人

謂之繁昌臺壇前二碑其後六字生金論者以為司

馬金行故曹氏六世遷魏而事晉此蓋附會符命之

誤也

釋

魏受禪表王朗文梁鵠書鍾繇鑄字謂之三絕劉禹錫嘉

話

廷康元年獻皇帝詔張情持節持璽綬禪位於魏丕
即築壇受禪顧羣臣曰舜禹之事吾知之矣乃立二
碑此其一也碑後六字生金論者以為司馬金行故
曹氏六世遷魏而事晉嘉話錄云此碑王朗文梁鵠
書鍾繇鐫時稱三絕書斷則謂元常八分入妙魏受
禪碑為最直言鍾元常未知孰是近時士大夫學隸
者多學此碑余謂捨石經而學此碑如學畫虎此可

與知音者道

集古
後錄

晉議郎陳先生碑

隸書不著書撰人名氏碑字斷缺其可見者曰延頴
川許昌人不知其為名與字也其額曰晉故議郎陳

先生碑元康二年門生君舍等立

集古錄

晉尉氏令陳君碑

隸書今碑石殘缺不可悉考其可見者曰字道臧太
尉掾之小子其額曰晉尉氏令陳君碑以此知其官

及姓氏也

集古錄目

東魏造石碑

不著書撰人名氏陽翟郡防境大都督石文達等為

太守敬暕造像記以武定七年立

集古錄目

北齊赫連府君清德頌

據北史列傳子悅為鄭州刺史郡人請為立碑詔許之碑所載亦同而碑乃在今許昌者按隋書地理志

潁川郡舊置潁川東魏改曰鄭州後周改曰許川

金石

錄

唐題度人經變相

子家舊藏唐閣立本畫靈寶度人經變褚遂良題字
惜其歲久湮滅將失傳獨字畫僅可模刻以貽好事

云元祐戊辰仲冬韓城范正思記

本碑跋

唐文蕩律師塔碑

唐前河南告成尉盧真撰著作郎魏栖梧書律師姓
藥氏河南密縣人開元十三年十月弟子一智為之

建塔立此碑在陽翟縣

集古錄目

唐立舞陽侯祠堂碑

唐校書郎王利器撰集賢院待制史惟則八分前京兆府司錄徐浩篆額舞陽令張紫陽等修廟記也碑

以天寶二年二月立在舞陽縣

集古錄目

唐讀樊丞相傳詩

唐河陰陰尉鄭昞之撰安定胡霈然分書不著年月

集古錄目

唐潁陽觀碑

唐張粲撰史惟則分書天寶五年七月立

金石錄

唐陳太丘祖德碑

系孫兼撰序任撰銘任子膺書天寶九載十一月立

金石錄

唐善財寺碑

唐史惟則分書在陽翟縣

訪碑錄

唐立漢黃公廟碑

在陽翟

唐李翰撰張從中行書李陽冰篆額建中三月立

金石

錄

唐張敬因碑

唐顏真卿撰并書在許州臨潁縣民田中慶歷初有
知此碑者稍稍往摹之民家患其踐田稼遂擊碎之
余在滁陽聞而遣人往求之得其殘缺者為七段矣
其文不可次第獨其名氏存焉曰君諱敬因南陽人
也其字畫尤奇甚可惜也

集古
錄

敬因南陽西鄂人子匡濟為淮西節度使追贈敬因

和州刺史此碑埋沒已久慶厯初縣民耕出之遠近聞者爭往摹搨村民厭苦其擾遂擊碎之今在者數段耳人猶模之故其文不完真卿官爵及立碑年月

則皆亡矣

某古錄同

唐陽翟縣廳壁記

唐許堯佐撰吳宗冉書元和十四年五月

金石錄

唐令長新誠

唐玄宗御製太和九年縣令李易簡建鄭宗冉書此

本無玄宗勅書而別有勅語乃當時召新除令長賜
食於朝堂而遣之叮嚀慰勉之言也在舞縣集古錄目

唐陽翟縣水亭記

唐魏庾撰并書大中五年五月金石錄

唐陽翟縣新石橋記

唐崔周衡書訪碑錄

唐立舞陽侯樊君碑堂記

裴穎撰唐長孺八分書諸道石刻錄

唐石橋記

崔周衡書在陽翟縣

訪碑錄

鄭州

秦屬三川郡二漢及魏屬河南郡晉置滎陽郡後魏為東恒農郡東魏置廣武郡後周置鄭州隋開皇十六年曰管州煬帝初復為鄭州尋廢置滎陽郡唐正觀元年州廢自武牢移鄭州治此天寶元年曰滎陽郡皇朝景祐元年號奉寧節度崇寧四年建為西輔今縣

六

管城

滎陽

新鄭

密縣

晉右將軍鄭烈碑

不著書撰人名氏字為隸書烈字休林滎陽人官至
兖州刺史輕車將軍拜平莞侯拜議郎卒贈右軍將
軍謚曰僖故吏殿中監申楊等立此碑以太康四年

立

集古
錄

碑云君諱烈字休林又云曾祖先生皇祖徵君顯考
將作大匠實有茂德載在國策烈晉史無傳以碑考
之嘗為文帝參佐武帝時仕為兖州刺史封東莞男
以疾徵拜議郎卒於太康二年追贈右軍將軍謚曰

僖侯云

金石錄

晉故右軍將軍平莞僖侯鄭府君之碑隸額鄭君名
烈榮陽人仕於晉初至兗州刺史輕車將軍召拜議
郎以太康二年八月卒故吏申楊等立此碑四年之
七月也鄭君所封其上平字則曉然可識下一字
則微有缺損小歐陽謂之平莞侯趙氏以為東莞則
誤也晉縣亦無平莞非鄉名即亭名也予嘗以魏末
至晉末隸字無可取者晚獲此碑其勁健方格顧後

絕配若雜置漢刻中未易甄別

隋鄭州刺史李淵造石像記

大業二年三月造在滎陽縣

訪碑錄

唐高宗造像記

大業二年三月

金石錄

周立漢太尉紀信碑

盧藏用撰并八分書長安二年七月立

金石錄

唐陽武縣李行忠佛堂記

無撰人姓名唐李固徽書景雲元年十一月建

復齋碑錄

唐商州刺史歐陽珪碑

唐顏真卿撰并書珪字珪渤海人仕至商州刺史武

關防禦使去官不仕而終碑以大厯十年十月立

集古

目錄

唐京河水門記

唐秘書省校書郎直史館韋處厚撰處士唐衢八分

鄭州刺史李少和引京水注於管城之北為石水門

以節其出入元和五年正月立此碑

集古錄目

唐無量寺多寶塔碑

唐裴度撰王凝行書元和十二年二月立在新鄭縣

復齋碑錄

唐大海寺王像碑

唐張仲方撰韓齊中分書并篆額長慶四年正月立

復齋碑錄

縣令馬公德政頌

諸道石
刻錄

滑州

春秋時屬衛戰國時亦屬衛其西境屬魏秦屬東郡二漢因之晉為陳留濮陽二國宋武帝平河南置兗州以為邊鎮後魏置東郡隋置祀州後為滑州又改為兗州後復為東郡唐後為滑州天寶元年更名靈昌郡大曆七年陞義成軍復故而改靈昌曰靈河皇朝太平興國四年改武成軍今縣
三 白馬 韋城 胙城

後周大像碑

不著書撰人名氏碑文為對偶述事不明又但稱延

壽公而無姓名今以北史考之周大象二年尉遲迥
兵起於鄴分遣部將所在攻下城邑東郡太守延壽
公于仲文棄郡奔關中拜關還擊迥軍取梁郡敗

其將檀讓於武成碑

關

羅於金鄉與此碑同蓋文

仲紀功碑也大象二年立

集古
錄目

宇文氏之事迹無足采者惟其字畫不俗亦有取焉
翫物以志憂者惟怪竒變態真偽相雜使覽者自擇
則可以忘倦焉故余於集古所錄者博矣

集古
錄

隋儀同府叅軍黃山碑

不著書撰人名氏山字子岳荊州江夏人仕至儀同

孔仲衡府叅軍碑以大業九年立

集古錄目

隋舍利塔碑

正書篆額

諸道石刻錄

周黃羅刹碑

唐秦王府學士虞世南撰不著書人名氏羅刹東郡

昨縣人周末尉遲迥兵起羅刹聚衆擊之授

碑缺軍總

管碑以武德八年十月立

集古錄目

羅利仕周為行軍總管其子君漢唐初為將有功武

德中為父追立此碑

金石錄

唐黃君漢碑

唐東宮左庶子李伯藥撰不著書人名氏君漢字景

雲東郡胙縣人羅利之子唐初官至夔州都督封號

國公碑以貞觀六年立

集古錄目

唐匡城令鄭府君碑

唐校書郎吳先壁撰前國子進士李惟恕書滑州匡城令鄭諲去思頌德之碑也諲字叔敬滎陽開封人

碑以景龍中立

集古錄目

唐滑臺銘

唐李季卿撰今狐彰行書永泰元年正月

金石錄

唐滑臺記

唐崔棨撰永泰元年

諸道石刻錄

唐令狐彰開河碑

唐中書侍郎平章事元載撰尚書吏部侍郎徐浩書
并篆額先是河至酸棗瀕縣而東歲失河道尚書右
僕射霍國公令狐彰聞之碑以大厯八年正月立

新
增

唐清臺新驛記

唐滑亳節度使李勉撰李陽冰篆勉使同州別駕裴

萬增廣驛舍以大厯九年八月立此碑於驛中

集古
錄曰

李陽冰篆在今滑州驛中其陰有銘曰斯去千載冰
生唐時冰今又去後來者誰後千載有人吾不知之

後千載無人當盡於斯嗚呼郡人為吾寶之不知作者為誰然賈耽嘗為李騰序說文字源盛稱陽冰此記耽為滑州刺史因見斯記而稱之耳陽冰所書世固多有可愛者不獨斯記也

集古錄

唐李勉撰李陽冰篆其陰有銘歐陽公云不知作者為誰余嘗考之乃舒元興玉筋篆志後贊也其文載於唐文粹反元興集中歐陽公偶未嘗見之耳

金石錄

唐滑臺新驛記

裴名八分書金石錄

唐滑州新井銘

唐賈耽撰徐璿正書李騰篆額貞元五年九月金石錄

唐說文字源

唐義成單節度使賈耽撰序前楊府戶曹參軍徐璿書秘書少監李陽冰重修漢許慎說文字源陽水從子檢校祠部員外郎騰篆凡五百四十字碑以貞元

五年十月立

集古錄目

唐明皇送李邕赴滑州詩

唐栢元封行書元和五年十月

金石錄

唐李元素二州慰思述

唐義成軍節度鄭滑等州觀察李元素二州慰思述

庾承宣撰唐衢分書并篆額元和中立

復齋碑錄

唐義成節度李聽德政碑

唐宋中錫奉勅撰待詔侯丕奉勅正書太和三年八

月建

復齋碑錄

唐節堂記

唐劉三復撰李德裕分書太和四年五月

金石錄

唐秋日登樓望贊皇山詩

唐李德裕撰并分書太和四年八月

金石錄

唐李德裕德政碑

唐賈餗奉勅撰歸融奉勅分書太和六年八月立

復齋

碑錄

唐李德修堯祠記

唐白敏中撰開成二年立

訪碑錄

堯祠在州西南二十里漢劉盆子所立唐寶曆中節

度使李聽祈雨有應重修立記

寰宇記

孟州

春秋戰國皆屬周自漢晉至隋皆屬河內郡
唐顯慶三年割屬河南府建中二年乃以河
南之河陽河陰濟源溫四縣租稅入河陽三
城使又以沁水軍賦益之會昌三年遂以此

五縣為孟州今縣六
河陽 溫縣
濟源 沁水 河陰 王屋

漢成臯令任伯嗣碑

其首已殘缺其可見者云字伯嗣南陽編人也又云
延熹五年以築陽相遷來臨縣其後歷叙政績又云
遷君桂陽碑在今汜水縣汜水在漢為成臯此碑蓋
成臯令德政頌爾後漢書桓帝紀延熹八年有桂陽
太守任胤以此碑校之歲月相符又名與字協知其

名胤也

金石錄

漢任伯嗣碑陰

大觀初獲此碑置於汜水輦運司解舍壁間余聞其

陰有字因托人諷邑官破壁出之遂得此本蓋漢碑
有陰者十七八世多棄而不錄爾

金石錄

後漢北軍中候郭君碑

緒枝葉雲布列在川郡又云復辟司徒拜北軍中候

年六十有六建寧四年九月丙子卒

集古錄

漢故北軍中候郭君碑篆額郭君字仲奇嘗為司隸
中都官從事辟將軍府宰比陽建寧四年九月卒五

年三月葬

復齋碑錄

漢司隸從事郭究碑

漢隸不著書撰人名氏究字長

碑缺

汲人也官至司隸

從事碑以中平元年立

集古錄目

碑云君諱究汲人也元城右之孫雒陽令之適歷至

簿督郵五官掾功曹守令長辟司隸從事部郡都官

春秋二十八而卒中平元年歲在甲子三月而葬

集古

錄

漢故司隸從事郭君碑篆額郭君名究仕郡諸曹吏

辟從事年二十八而卒靈帝中平元年葬

釋隸

漢郎中郭君碑

漢郎中郭君之碑隸額名字皆缺文辭亦有可句者其云惠兄仲屏又云元兄維世而有為人後者為之子之文蓋郭君以兄之子為後也郭仲奇碑嘗有惠兄之稱此碑復爾仲屏者若非仲奇之伯則其同族

也隸

釋

隋梁公堰紀功碑

在河陰縣西二十里本漢平帝汴河決壞至明帝永
平十二年乃令王景理渠堤其後通塞各計朝代隋
開皇七年使梁儋增修古堰過河入汴立碑紀功

寰宇

記

唐等慈寺碑

唐秘書少監顏師古奉勅撰不著書人名氏初太宗
東伐王世充竇建德來救破之於汜水及即位有詔
嘗破敵之處皆建寺以為戰死者資福此其一也碑

以貞觀二年立

集古錄目

其寺在鄭州汜水唐太宗破王世充竇建德乃於其戰處建寺云為陣亡士薦福唐初用兵破賊處多大

抵皆造寺此其一也

集古錄

唐紀功碑

唐高宗撰并行書飛白題額顯慶四年八月在汜水

金石錄

唐修敬寺旭禪師碑

無書撰人名氏禪師姓趙氏絳州稷山人碑以萬歲

通天二年立在河陽

集古錄目

唐明皇過汜水詩

開元十三年十月

諸道石刻錄

唐重修梁公堰碑

唐汜水主簿趙居貞撰縣令王象書梁公堰者隋開
皇中華陽梁廡所修故以為名依山鑿堰以道河水
通運路中間改其舊制別起渠口當河衝立石柱以

灑水既成遂填塞不能通開元十五年勅將作大匠
范安復具故迹作此銘碑以開元十五年二月立

集古

目錄

唐令長新誠

唐開元中縣令馮宴所刻後歲久以為柱礎寶曆二

年縣令崔湊移置於縣廨

集古
錄目

唐濟源令李造遺愛頌

唐中書舍人梁陟撰監察御史集賢院修撰徐浩書

李公名造唐之宗室自濟源令入為闕此頌濟源

冊立碑以開元二十六年十一月立

集古錄目

唐淄川令裴大智碑

唐滑州刺史李邕換司缺員外郎蕭誠書大智河東

人官至淄川縣令碑以開元十九年十一月立在濟

源

集古錄目

蕭誠以書知名當時今碑刻傳於世者頗少人集錄所得纔數本爾然字畫筆法多不同疑模刻之有工

拙惟此碑及獨孤冊碑字體同而最佳

集古錄

唐小魯真人仙解謠

唐魯國清撰進士陳錫書真人名成字和光年八歲及其兄希言皆為道士於奉仙宮此碑止有其半不見所終及立石年月在濟源

集古錄目

唐開梁公堰頌

唐祁順之撰徐浩分書并篆額天寶六年七月立

金石

錄

唐開梁公堰碑陰記

唐平致和撰并正書天寶六載七月立

金石錄

唐貞一先生廟碣

唐左威衛錄事參軍衛憑撰右監門衛兵曹參軍薛希昌八分貞一先生者道士司馬子微也字承禎法號道德又自號白雲先生明皇置陽臺宮於王屋山以處之追謚貞一具從子綱因所居立以為廟碑無

所立年月在王屋縣

集古錄目

唐貞一先生廟碣天寶六年七月立

金石錄

唐濟源令房瑄遺愛頌

唐監察御史平列撰河陽縣令徐浩書房公名瑄清

河人嘗為濟源令列作頌時瑄為給事中碑以大寶

七年二月立

集古錄目

唐宴濟瀆碑

唐達奚珣撰薛希昌分書天寶中立

金石錄

唐濟瀆廟祭器銘

唐濟源縣令張洪撰八分書不著名氏濟源有北海祠壇故四時祠祀必取祭器於河南沈滂雙舫亦以沁河渡口船為之往返勞弊是時大風拔木洪因取以為祭器雙舫及雜用之物碑以貞元十三年立

集古

目錄

唐重修李造遺愛碑記

唐高後規撰高從彥正書貞元二十一年立

金石錄

唐韓文公送德歸盤谷序

韓愈撰盤谷在孟州濟源貞元中縣令刻石於其側

令姓崔其名泱今已磨滅

集古錄

正書無姓名貞元中刻石

金石錄

唐韓文公題名

唐都官員外郎韓愈元和四年題在濟源

集古錄目

唐房瑄碑陰記

唐石洪撰兵部郎中鄭權書房瑄有遺愛碑在濟源

元和六年瑄從祖子式以河南尹奉詔祠濟源洪等

刻此記於碑陰

集古
錄目

唐濟祠亭并詩

濟源有三淵當祠下俗謂之海縣令房瑄初立亭於
北海上以為祠神之所元和九年縣令李朝陽廣其
制度作記并詩記朝陽之子蟠撰詩李朝陽撰裴潯

書鄭冠篆額

集古
錄目

唐濟祠西海新亭記

唐房瑄立亭於北海上李朝陽為之記而西海之地

故為民家所有縣令王源迥取之以立亭又作西海
新亭記鳳翔節度推官侯雲章撰濟源令章行質書
鄭冠篆額碑以長慶二年立

集古
錄目

唐嶺南節度鄭權碑

唐陝川大都督府長史庾承宣撰萬年縣令姚尚書
字復道滎陽人官至嶺南節度使碑以寶曆二年立

集古
錄目

姚尚書筆力精勁雖唐人工於書者多而及此者亦

少惜其不傳於世而今人莫有知者惟余以集錄之

博得此而已

集古錄

唐司馬子微記

唐王屋令崔運撰道士張宏明書大和三年刻在王

屋縣

集古錄目

唐司馬子微坐忘論

唐白雲先生撰道士張宏明書大和三年女道士柳

凝然趙景玄刻石并凝然所為銘同刻後又有篆書

曰盧同高常嚴固元和五年凡十字碑在王屋

某古
錄目

唐白樂天遊濟源詩

正書大和五年九月馮宿詩附

金石
錄

唐白樂天遊王屋山詩

唐白居易撰道士張宏明正書大和六年十月題

復
齋

碑
錄

唐高瑀神道詩

唐司徒侍中東都留守裴度撰河南尹鄭幹書瑀字

乾亮渤海修人官至忠武軍節度使贈司空碑以大

和八年立

其古
錄目

唐李石神道碑

唐東都留守李德裕撰工部侍郎柳公權書碑文殘
缺名氏皆不可見考其世系事迹知為李石碑也碑

以大中中立在河陰

其古
錄目

余家集錄顏柳書尤多惟碑石不完者則其字尤佳
非字之然也譬夫金玉埋沒於泥滓時時發見其一

二則粲然在目持為可喜爾

集古錄

唐睿宗賜白雲先生書

唐賜白雲先生物三玄宗勅并送別詩各一陽臺宮

畫壁奏狀并答勅乾元元年禁山廟採樵勅三大中

八年王屋主簿韓抗書以刻石

集古錄目

唐孔岑父碑

唐太子少傅鄭綱撰前大理少卿柳知微書府君名

岑父字次翁魯國鄒人官至著作佐郎子戡戡皆顯

貴贈岑父司空碑以咸通十二年立在河陰

集古錄目

唐贈司空孔岑父碑咸通十一年正月立

金石錄

溫縣造文宣王廟記

李建正書篆額

諸道石刻錄

蔡州

春秋時屬沈蔡戰國屬楚魏秦屬潁川郡漢置汝南郡後漢及魏晉皆因之宋及後魏兼置豫州以為重鎮東魏置行臺後周置總管府後改曰舒州尋復曰豫州復改曰蔡州隋開皇初郡廢大業初天寶後置汝南郡唐武德三年曰豫州天寶元年曰汝南郡寶應元

年改曰蔡州皇朝景祐二年陞淮康軍節度
今縣十汝陽上蔡新蔡襄信

平輿

遂陽

新息

碭山

貞陽

西平

漢永樂少府賈君闕

漢故永樂少府將作賈君之闕碑為篆書而將作下

二字缺不可識

集古錄目

按漢書桓帝母孝崇愷皇后居永樂宮和平元年詔
置太僕少府如長樂故事又按漢官儀長樂少府以
宦者為之則賈者蓋亦宦者也

金石錄

隋午郊寺碑

開皇十年五月八日息州刺史梁洋建

復齋碑錄

隋梁洋建塔表德政碑

不著書撰人名氏隋息州叅軍裴玉等為刺史梁洋

建塔以表德政碑以開皇十一年立在新息縣

集古錄目

在今蔡州新息縣隋開皇十一年叅軍裴玉與州人

為息州刺史梁洋建寶塔表德政碑按隋書志後周

於新息置息州大業中州廢

集古錄

唐豫州刺史狄梁公碑

唐元通禮撰黨復書貞元三年重立

訪碑錄

唐平淮西碑

唐段文昌撰陸邛分書并篆額元和十四年十二月

建

復齋碑錄

唐澠州刺史高承簡德政碑

唐王起撰裴濟書長慶中立按唐書地理志元和十

二年以鄆城上蔡西平遂平四縣置澠州長慶元年

州廢今碑後題長慶而其下殘缺當為元年蓋是年
州遂廢矣高公名承簡崇文之子為裴度牙將後至
邠寧節度唐史有傳

陳州

秦屬潁川郡二漢屬淮陽國汝南郡後漢因
之晉屬梁國汝南郡後魏置陳郡及北揚州
北齊改為信州隋為陳州後置淮陽郡唐為
陳州晉開運二年置鎮安軍節度漢初軍廢
周廣政二年復之今縣五 宛丘
項城 澗水 南頓 西華

漢封觀碑

在項城縣墓前

訪碑錄

魏賈逵碑

隸書不著書撰人名氏逵字安道河東襄陵人魏明帝時官至建威將軍豫州刺史故從事吳康等立此

碑

集古錄目

魏故建威將軍豫州刺史陽里亭侯賈君之碑篆額

在項城縣本廟內

訪碑錄

唐龍興寺碑

唐兵部侍郎修文館學士張說撰吏部侍郎修文館學士盧藏用八分中宗初復位天下州郡皆置龍興寺一所此碑以景龍四年五月立

集古錄目

唐龍興寺碑陰

唐薛融書檢校陳州刺史韓琦等題名凡五十六人又有僧惠明等題名十六人別體書不著名氏

集古錄目

唐大雲寺講堂記

唐李邕撰并書開元十一年

諸道石刻錄

唐八卦壇碑

在宛丘縣北一里即伏羲於蔡水得龜因畫八卦之壇舊有長史張濟賢之文後刺史李邕除舊文換新

文刻之

宋宇記

唐伏羲廟碑

唐孫郡撰趙毅書并題額光化中立

訪碑錄

唐開元寺講堂記

唐盧中敏書

諸道石
刊錄

魏文廟碑

李勣文

誥道石
刻錄

潁州

春秋時為胡國及楚地秦為潁川郡地二漢屬汝南郡魏置汝陰郡晉因之後魏置潁川郡隋亦為潁川復為汝陰郡唐為潁川皇朝元豐二年陞順昌軍節度今縣四汝陰
萬壽 潁上
沈丘

唐顏默殘碑

初潁川人家以其石為馬臺皇祐中王回深甫之弟

周容季見而識其為顏書因摹本以傳深甫為文以記之默仕晉為汝陰太守故大厯中魯公追建此碑

於汝陰

金石錄

唐張龍公廟碑

唐澧人趙耕拱不著書人名氏龍公名路斯與妻子言已與蓼人鄭祥遠昏龍也某日當戰令諸子助戰以絳綃繫巖為別祥遠敗死公與九子皆化為龍土人為之立廟潁川刺史王敬亮又增大之碑以乾寧

元年立在潁上縣百社村

集古
錄目

趙耕換碑云君諱路斯潁上百社人也隋初明經登第景龍中為宣城令夫人關州石氏生九子公罷令歸每夕出自戌至丑歸常體冷且濕石氏異而詢之公曰吾龍也夢人鄭祥遠亦龍也騎白牛據吾池自謂鄭公池吾屢與戰未勝明日取決可令吾子挾弓矢射之繫鬣以青綃者鄭也絳綃者吾也子遂射中青綃鄭怒東北去投合肥西山死今龍穴山是也由

是公與九子俱復為龍亦謂可怪矣余嘗以事至百社村過其祠下見其林木陰蔚池水窈然誠異物之所托歲時禱雨屢獲其應汝陰人尤以為神也

集古錄曰

汝州

戰國屬韓秦屬三川郡二漢屬河南潁川郡魏晉屬河南襄城郡後魏屬汝北魯陽郡東魏置北荆川後周改曰和州隋初置伊川賜帝初改為汝州後廢州以其地屬襄城潁川二郡唐為汝州天寶元年曰臨汝郡今縣五梁縣 襄城 葉縣 魯山 龍興

漢吉成侯州輔碑

隄縣渑水南有漢中常侍長樂太僕吉成侯州苞冢
冢前有碑墓西枕岡城開四門門有兩石獸墳頌墓
毀碑獸淪移人有掘出一獸猶全不破甚高壯頭去
地凡一丈許作制甚工左膊上刻作辟邪字自安帝

沒於桓后

水經注

名字已殘缺其額題云漢故中常侍長樂太僕吉成
侯州君之銘此碑載當時詔書有云其封輔為葉吉
成侯以此知其名輔而酈道元注水經云渑水南有

漢中常侍長樂太僕吉成侯州包冢冢前有碑其詞云六帝四后是詔是詛今驗其文實有此語獨以輔

為苞蓋水經之誤

金石錄

漢故中常侍長樂太僕吉成侯州君之銘篆額州君名輔為小黃門大宮令復拜小黃門歷藏府令謁者令中尚方令中常侍黃門令長樂太僕大長秋封葉吉成侯以威宗永壽二年十二月卒此碑叙其歷事六帝四后詳瞻有史法與漢代他碑體格絕不同

隸釋

漢吉成侯州輔碑陰

州輔碑陰自漢陽太守而下四十有九人具八人稱
邑曰冠軍曰宛曰章陵曰新陽曰比陽曰魯陽皆南
陽之邑也餘人惟延篤有傳乃南陽犂人則不稱邑
者犂之人也碑云鄉人姻族相與刊石則人知輔為

犂縣人也

隸釋

漢州輔墓石獸膊字

鄴道元注水經云州君墓有兩石獸已淪沒人有掘

出一獸猶全不破甚高壯頭去地丈許制作甚工左
膊上刻作辟邪字余初得州君墓碑又覽水經所載
意此字猶存會故人董之明守官汝潁間因托訪求
之踰年持以見寄其一辟邪道元所見也其一乃天
祿字差大皆完好可喜之明又云天祿近歲為村民
所毀辟邪雖存然字畫已殘缺難辨此蓋十年前邑
人所藏今不可復得矣

金石錄

漢都鄉正街彈碑

在汝州界故昆陽城中文字磨滅不可考究其歲月
略可見蓋中平二年正月而其額題都鄉正街彈碑

莫知為何碑也

金石錄

都鄉正街彈碑隸額靈帝中平二年立次有張芑社

則題名數人

隸釋

唐獨孤哲祭葉公文

正書無名氏乾封二年十一月立在葉縣

復齋碑錄

唐溫湯碑

在梁縣西四十里唐聖歷三年正月則天駕幸今有

碑石斷折

寰宇記

唐則天幸流杯亭宴詩

唐麟臺丞殷仲容書武后聖歷三年幸汝州宴飲於
州南流杯亭與羣臣分韻賦詩武后御製及梁王三
思等凡七首平章事李嶠為序以久視元年九月刻
石碑後沒於汝水中貞元五年刺史陸長源輩出之

有記在碑陰字為八分書

集古錄目

唐武后久視元年辛汝州溫湯羣臣應制詩也李嶠
序殷仲容書開元中汝水壞其碑亭碑亦沉沒貞元
中陸長源為刺史以為嶠序仲容書絕代之寶也乃
為之造亭立碑自記其事於碑陰武氏亂唐毒流天
下其遺蹟宜為唐氏所棄而長源當時賢者區區於
此何哉然余又錄之者時以仲容書爾是以君子患

乎多愛

集古
錄

在梁縣城南三十里唐則天嘗與侍臣姚元宗蘇頲

武三思薛耀等遊晏賦詩

寰宇記

唐葉縣令宋公遺愛頌

唐吳師道撰正書無姓名神龍三年五月

金石錄

唐廣成子廟碑

崆峒山在梁縣西南四十里有廣成子廟即黃帝問道於廣成子之所唐開元二年汝州刺史元本州防

禦使盧貞立碑

寰宇記

唐王仙公廟記

唐岑拘撰叅軍高重明書仙公者漢葉縣令王喬也
縣人舊以姓名稱其廟唐葉令史惟清改曰仙公碑

以開元二十五年刻在葉縣

集古
錄目

唐宋公神道碑

唐中書舍人遜狄撰河南府陽翟縣尉集賢校理御
書史惟則八分宋公名字缺亡而碑不著其鄉里官

至延州刺史碑以天寶四年立在梁縣

集古
錄目

唐汝州刺史李深遺愛頌

撰人名缺韓秀弼分書大歷十二年三月立

金石錄

唐容州都督元結碑

唐湖州刺史顏魯公撰并書元結字次山官至容州

都督本管經略使碑以大歷中立在魯山縣

集古錄目

唐自太宗致治之盛幾乎三代之隆而惟文章獨不能革五國之弊既久而後韓柳之徒出蓋習俗難變而文章之變體又難也次山當開元天寶時獨作古文其筆力雄健意氣超拔不減韓之徒也可謂特立

之士哉

集古錄

唐流杯亭詩碑陰記

唐陸長源撰八分書無姓名貞元五年立附

金石錄

唐復黃陂記

唐前鄉貢進士侯喜撰不著書人名氏汝州有三十
六陂黃陂為最大自隋始築至唐開元中數復廢缺
貞元十八年刺史盧虔築而復之碑以元和三年立

集古

錄目

黃陂在今汝州汝州有三十六陂黃陂最大溉田千頃始作於隋記云至貞元辛未刺史盧度始復之辛未貞元七年也碑以元和三年建

集古錄

唐龍興寺碑

正書無書撰人名氏寶曆二年五月

復齋碑錄

唐元魯山琴臺記

唐汝州魯山縣令宋整撰不著書人名氏琴臺者故縣令元德秀之所立整葺其頽毀以大中八年正月

立此記在魯山

集古錄目

唐商餘探

唐蘇預撰韓擇交八分書預友元結隱居教授於商餘之肥溪預為作此辭預時為河南令自號中行子

碑不載刻石年月在魯山縣

集古錄目

魯陽公墓四字

在魯山縣露山東北五里墓上石碑有魯陽公墓四

字

寰宇記

後周文宣王廟記

縣令郭忠恕撰并書按圖史忠恕為漢相陰公從事
周祖徵為周易博士國初貶乾州司戶大宗朝復任
國子主簿流登州卒不載其嘗為縣令也記云縣在
汝水之汭嵩山之陽不知其為何縣最後題甲寅四
月十五日建蓋周世宗乾德元年也或云此記在汝

州界中

金石錄

汝帖十二卷

宋來汝踰年更民習其踈拙不甚諉以事閑閣蕭然
奉親之外獨念棄日偶得三代而下訖於五季字書
百姓冠以倉頡奇古篆籀隸草真行之法略具用十
二石刻置坐嘯堂壁其論世正名於治亂之際君子
小人之分每致意焉識者謂之筆史蓋使小學家流
因以博古知義不特區區近筆硯而已大觀三年八
月上丁敷陽王窠記窠字輔道跋本

頃在洛中聞汝州新鐫諸帖謂之汝刻其名已弗典

矣意謂其彙擇必佳及見之乃大不然雜取法帖續帖中所有者時載之又珉王開造不能辨也此猶亡害至其集古帖及碑中字萃為偽帖并以一帖省其文別為帖語及強名者甚多稍識詩者便可別之如以逸少帖春秋輒為患不得北軍問遠近清和等語乃摘取北軍遠近春秋等字集為一帖強為王衍書以續帖中諸縣故佳字強名為王楨之書

楨之字公幹藏之子

取汝州東漢州韓碑中數字強名為蔡中郎書取衛

州魏州文弔此千文中數行強名為崔浩書如北齊
碑便目為溫子昇後魏碑便目為沈法會如此者甚
多且如弔比千文魏孝文作而崔浩之死在太武時
乃目為浩書其不稽古如此至若張華帖內雜以寶
章集中王慈字薛稷帖中雜以法帖內子敬字皆集
成之字意全不相屬取王筠帖中和南清豫一帖疑
闕文如是者不可具載幸世尚多古帖極有未傳者自
可刻其全篇何必區區作偽以誤後學但貽識者嗤

笑耳汝州既以石十餘刻之而越州復傳其本又刻
之二州之石殘可吊也信知識真者少何足云云

東觀

餘
論

寶刻叢編卷五